

1955



საქართველოს საბჭოთა სოციალისტური რესპუბლიკის



უმაღლესი საბჭოს უწყებები

№ 6 (69)

29 ნოემბერი

1955 წელი

შინაირი

საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი.

6725

1. ამხ. ა. ნ. ვართაპეტოვის განთავისუფლების შესახებ საქართველოს სსრ უმაღლესი სასამართლოს წევრის მოვალეობისაგან.
2. ამხ. ამხ. დ. ი. გიორგაძის, შ. კ. მანარაძის, ზ. ი. ლომიძის და ვ. გ. მამალაძის დაშვების შესახებ საქართველოს სსრ უმაღლესი სასამართლოს წევრის მოვალეობის ასასრულებლად.
3. ბრძანებულება ამხ. ს. ვ. დურმიშიძის განთავისუფლების შესახებ საქართველოს სსრ სოფლის მეურნეობის მინისტრის თანამდებობისაგან.
4. ბრძანებულება საქართველოს სსრ მინისტრთა საბჭოს თავმჯდომარის მოადგილის ამხ. ვ. გ. ჭერკაძის დანიშვნის შესახებ საქართველოს სსრ სოფლის მეურნეობის მინისტრად.
5. ბრძანებულება საქართველოს სსრ მინისტრთა საბჭოს მშენებლობისა და არქიტექტურის საქმეთა სახელმწიფო კომიტეტის შექმნის შესახებ.
6. საქართველოს სსრ სოფლის მოსახლეობის სამედიცინო მომსახურების მდგომარეობის შესახებ.
7. სსრ კავშირის უმაღლესი საბჭოს 1953 წლის 8 აგვისტოს კანონის მე-6 მუხლისა და სსრ კავშირის მინისტრთა საბჭოს და საბჭოთა კავშირის კომუნისტური პარტიის ცენტრალური კომიტეტის 1953 წლის 21 სექტემბრის № 2457 დადგენილების მე-3 კარის პირველი პუნქტის შესრულების მიმდინარეობის შესახებ აბაშის, კასპის, მაიაკოვსკის და მცხეთის რაიონებში.
8. „მშრომელთა საჩივრებისა და განცხადებების განხილვის საქმეში არსებულ სერიოზულ ნაკლოვანებათა შესახებ“ საქართველოს სსრ უმაღლესი საბჭოს პრეზიდიუმის 1955 წლის 27 ივნისის დადგენილების არადაამკაცოფილებლად შესრულების თაობაზე.
9. ბრძანებულება საქართველოს სსრ სამოქალაქო სამართლის საპროცესო კოდექსის მე-26 მუხლში დამატების შეტანის შესახებ.
10. ბრძანებულება თბილისის სომხური დრამის სახელმწიფო თეატრისათვის ს. გ. შაუნიანის სახელის მიკუთვნების შესახებ.



საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

1. ამხ. ა. ნ. ვართაპეტოვის განთავისუფლების შესახებ საქართველოს სსრ უმაღლესი სასამართლოს წევრის მოვალეობისაგან

განთავისუფლდეს ამხ. ვართაპეტოვი აშოტ ნიკიტას-ძე საქართველოს სსრ უმაღლესი სასამართლოს წევრის მოვალეობისაგან.

საქართველოს სსრ უმაღლესი საბჭოს
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი — ს. როსტიაშვილი.

ქ. თბილისი.

1955 წ. 20 ოქტომბერი.

2. ამხ. ამხ. დ. ი. გიორგაძის, შ. კ. მახარაძის, გ. ი. ლომიძის და ვ. გ. მამალაძის დაშვების შესახებ საქართველოს სსრ უმაღლესი სასამართლოს წევრის მოვალეობის ასასრულებლად.

1. დაშვებულ იქნან საქართველოს სსრ უმაღლესი სასამართლოს წევრის მოვალეობის ასასრულებლად: გიორგაძე დავით ილიას-ძე, მახარაძე შალვა კირილეს-ძე, ლომიძე გობრონ ივანეს-ძე და მამალაძე ვლადიმერ გერასიმეს-ძე.

2. ეს დადგენილება წარედგინოს საქართველოს სსრ უმაღლესი საბჭოს მორიგ სესიას დასამტკიცებლად.

საქართველოს სსრ უმაღლესი საბჭოს
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი — ს. როსტიაშვილი.

ქ. თბილისი.

1955 წ. 20 ოქტომბერი.

3. ბრძანებულება ამხ. ს. ვ. დურმიშიძის განთავისუფლების შესახებ საქართველოს სსრ სოფლის მეურნეობის მინისტრის თანამდებობისაგან

განთავისუფლდეს ამხ. სერგი ვასილის-ძე დურმიშიძე საქართველოს სსრ სოფლის მეურნეობის მინისტრის თანამდებობისაგან სხვა სამუშაოზე გადასვლის გამო.

საქართველოს სსრ უმაღლესი საბჭოს
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი — ს. როსტიაშვილი.

ქ. თბილისი.

1955 წ. 2 ნოემბერი.



4. ბრძანებულია საქართველოს სსრ მინისტრთა საბჭოს თავმჯდომარის მოადგილის აშხ. ვ. გ. ქერქაძის დანიშვნის შესახებ საქართველოს სსრ სოფლის მეურნეობის მინისტრად

დაინიშნოს საქართველოს სსრ მინისტრთა საბჭოს თავმჯდომარის მოადგილე აშხ. ვლადიმერ გიორგის-ძე ქერქაძე საქართველოს სსრ სოფლის მეურნეობის მინისტრად.

საქართველოს სსრ უმაღლესი საბჭოს
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი — ს. როსტიაშვილი.

ქ. თბილისი.
1955 წ. 2 ნოემბერი.

5. ბრძანებულია საქართველოს სსრ მინისტრთა საბჭოს მშენებლობისა და არქიტექტურის საქმეთა სახელმწიფო კომიტეტის შექმნის შესახებ

საქართველოს სსრ უმაღლესი საბჭოს პრეზიდიუმში ად გ ე ნ ს:

1. შეიქმნას საქართველოს სსრ მინისტრთა საბჭოს მშენებლობისა და არქიტექტურის საქმეთა სახელმწიფო კომიტეტი საქართველოს სსრ მინისტრთა საბჭოსთან არსებული არქიტექტურის საქმეთა სამმართველოსა და საქართველოს სსრ მინისტრთა საბჭოს საგეგმო კომისიის პროექტებისა და ხარჯთაღრიცხვების განხილვის სექტორის ბაზაზე.

2. შეიქმნას აფხაზეთისა და აჭარის ასს რესპუბლიკების მინისტრთა საბჭოების მშენებლობისა და არქიტექტურის საქმეთა სამმართველო, სამხრეთ ოსეთის ავტონომიური ოლქის მშრომელთა დეპუტატების საოლქო საბჭოს აღმასკომის მშენებლობისა და არქიტექტურის საქმეთა განყოფილება, აგრეთვე საქალაქო აღმასკომების (რესპუბლიკური დაქვემდებარების ქალაქების) მშენებლობისა და არქიტექტურის საქმეთა განყოფილებანი და გაუქმდეს არქიტექტურის საქმეთა არსებული სამმართველოები და განყოფილებანი.

3. საქართველოს სსრ უმაღლესი საბჭოს მორიგ სესიის განსახილველად შეტანილ იქნას წინადადება საქართველოს სსრ კონსტიტუციის 50, 72, 81 და 104 მუხლებში სათანადო ცვლილების შეტანის შესახებ.

საქართველოს სსრ უმაღლესი საბჭოს
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი — ს. როსტიაშვილი.

ქ. თბილისი.
1955 წ. 2 ნოემბერი.

6. საქართველოს სსრ სოფლის მოსახლეობის სამედიცინო მომსახურების მდგომარეობის შესახებ

მოისმინა რა საქართველოს სსრ ჯანმრთელობის დაცვის მინისტრის აშხ. დ. გ. მამამთავრიშვილის მოხსენება და საქართველოს სსრ უმაღლესი საბჭოს

პრეზიდენტის წევრის ამხ. ნ. ა. ჯავახიშვილის თანამოსხენება რესპუბლიკის სოფლის მოსახლეობის სამედიცინო მომსახურების მდგომარეობის შესახებ, საქართველოს სსრ უმაღლესი საბჭოს პრეზიდენტის აღნიშნავს, რომ ჯანმრთელობის დაცვის სამინისტროს და მისი ადგილობრივი ორგანოების მიერ უკანასკნელ ხანში გაწეული გარკვეული მუშაობა სოფლის მოსახლეობის კვალიფიციური სამედიცინო მომსახურების უზრუნველსაყოფად.

ყოველწლიურად იზრდება სასოფლო სამკურნალო-პროფილაქტიკური დაწესებულებების ქსელი, რომლებიც ძირითადად უზრუნველყოფილი არიან კვალიფიციური კადრებით, აგრეთვე საჭირო მოწყობილობით, ინვენტარითა და მედიკამენტებით.

მაგრამ ამასთანავე ერთად სოფლის მოსახლეობის სამედიცინო მომსახურების დარგში ჯანმრთელობის დაცვის ადგილობრივი ორგანოების მუშაობას რიგი სერიოზული ნაკლოვანებანი ახსიათებს.

ბევრ რაიონში მთლიანად არ არის დაკომპლექტებული საექიმო პერსონალის შტატი. მაგალითად მთიანეთის რაიონში ექიმის 3 ვაკანტური ადგილია, თერჯოლის რაიონში — 4; ზნაურის რაიონში — 5; დმანისის რაიონში — 10 ადგილი. ჯერ კიდევ ადგილი აქვს ექიმების შეთავსებით მუშაობის ფაქტებს.

სოფლის სამკურნალო დაწესებულებების ნორმალურ მუშაობას ძლიერ უშლის ხელს რიგ რაიონში სათანადო შენობების უქონლობა. რესპუბლიკის 327 სასოფლო საავადმყოფოდან 189 საავადმყოფო მოთავსებულია შეუფერებელ შენობებში, რომლებიც შეცვლას მოითხოვენ.

მიუხედავად იმისა, რომ სამკურნალო დაწესებულებების შენობათა უმეტესობა მოძველებულია და შეკეთებას მოითხოვს, ჯანმრთელობის დაცვის სამინისტროსათვის კაპიტალურ რემონტზე გამოყოფილი თანხები უმნიშვნელო რაოდენობით იხარჯება. 1955 წელში კაპიტალური რემონტისათვის გამოყოფილი 11.641.000 მანეთიდან 1 ოქტომბრისათვის ათვისებული იყო მხოლოდ 7.140.000 მანეთი, ანუ 61,3%, ხოლო კაპიტალური მშენებლობის 1955 წლის გეგმა 1 ნოემბრისათვის შესრულებული იყო მხოლოდ 65,0%-ით.

სასოფლო სამკურნალო დაწესებულებები არასაკმოდ არიან უზრუნველყოფილი სამკურნალო-დიაგნოსტიკური მოწყობილობით, განსაკუთრებით რენტგენისა და ფიზიო-თერაპევტიული აპარატებით, კბილის სამკურნალო ინსტრუმენტებით, აგრეთვე მაგარი ინვენტარით.

სოფლის მოსახლეობის ნორმალურ სამედიცინო მომსახურებას მნიშვნელოვნად უშლის ხელს ავადმყოფების გადასაყვანად და ავადმყოფებთან ექიმების მისაყვანად საჭირო რაოდენობის ავტოტრანსპორტის უქონლობა. ხელისუფლების ადგილობრივი ორგანოები, აგრეთვე კოლმეურნეობები, საბჭოთა მეურნეობები და მტს-ები არ ეხმარებიან ჯანმრთელობის დაცვის ორგანოებს ამ საქმეში.

სასოფლო საავადმყოფოების უმრავლესობა საკმოდ არ არის დატვირთული, რაც აიხსნება სტაციონარულ დაწესებულებებში ავადმყოფთა მკურნალობასა და მოვლა-პატრონობისათვის საჭირო პირობების უქონლობით. არადა-მაკმაყოფილებელ მდგომარეობაშია სტაციონარებში ავადმყოფთა კვება. რაიონული და სოფლის საავადმყოფოები არ არიან უზრუნველყოფილნი კვების აუცილებელი პროდუქტებით, რის შედეგადაც ავადმყოფთა კვებისათვის გამოყოფილი თანხები სისტემატურად აუთვისებელი რჩება.

ნაკლოვანებებს ადგილი აქვთ სამშობიარო სახლების მუშაობაშიც. მიუხედავად იმისა, რომ სამშობიარო სახლების და საფერშლო-საბებიო პუნქტების ფართო ქსელია, ისინი მაინც ვერ იტვირთება, რადგანაც ხშირად მშობიარობა ოჯახში ხდება. ასეთ მდგომარეობას აქვს ადგილი დმანისის, ზნაურის, მიაკოვსკის და რიგ სხვა რაიონში.

ჯანმრთელობის დაცვის ზოგიერთმა რაიონულმა განყოფილებამ ვერ გაშალა სათანადო მუშაობა სოფლის მოსახლეობის პროფილაქტიკური სამედიცინო შემოწმებისათვის და ვერ უზრუნველყო მათდამი საჭირო დისპანსერული მეთვალყურეობა.

რიგი რაიონული სანიტარიულ-ეპიდემიოლოგიური სადგური არადაამაკყოფილებლად მუშაობს, რის შედეგადაც ამ რაიონებში დასახლებული პუნქტები და საზოგადოებრივი კვების დაწესებულებანი ანტისანიტარულ მდგომარეობაში არიან.

სოფლის მოსახლეობის სამედიცინო მომსახურების სათანადო სიმარტეზე დაყენების მიზნით, საქართველოს სსრ უმაღლესი საბჭოს პრეზიდიუმი ადგენს:

1. დაევალოს საქართველოს სსრ ჯანმრთელობის დაცვის სამინისტროს (ამს. დ. მამამთავრიშვილი) მიიღოს საჭირო ზომები სოფლის მოსახლეობის სამედიცინო მომსახურების საქმეში არსებულ ნაკლოვანებათა აღმოსაფხვრელად, რისთვისაც:

ა) დროულად და მთლიანად უზრუნველყოს სოფლის მოსახლეობა კვალიფიციური სამედიცინო მომსახურებით, აამღლოს დიაგნოსტიკისა და ავადმყოფთა მკურნალობის ხარისხი, მიაღწიოს ამ საქმეში მაღალხარისხობრივ მაჩვენებლებს;

ბ) მიიღოს საჭირო ზომები ინფექციურ დაავადებათა შემდგომი შემციირებისათვის, გეგმით გათვალისწინებულ ეპიდსაწინააღმდეგო ღონისძიებათა გატარების გზით;

გ) უზრუნველყოს 1956 წლის დასაწყისისათვის რაიონული და სასოფლო სამკურნალო დაწესებულებები საექიმო კადრებით, ამასთან ლიკვიდაცია ყოყოს არასწორ პრაქტიკას, როდესაც ერთი ექიმი მუშაობს შეთავსებით რამდენიმე ადგილზე;

დ) უზრუნველყოს სასოფლო სამკურნალო დაწესებულებები სამკურნალო-დიაგნოსტიკური მოწყობილობით; უზრუნველყოს რაიონულ საავადმყოფოებში კლინიკო-დიაგნოსტიკური ლაბორატორიების, რენტგენო და ფიზიოთერაპეუტიული კაბინეტების შეუფერხებელი მუშაობა; მოაწყოს 50 მსხვილ საუბნო საავადმყოფოში კლინიკო-დიაგნოსტიკური ლაბორატორიები და ფიზიოთერაპეუტიული კაბინეტები;

ე) გააუმჯობესოს და გააფართოს მუშაობა სოფლის მოსახლეობის — კოლმეურნეების, მტს-ებისა და საბჭოთა მეურნეობების მუშების დისპანსერიზაციის საქმეში, მიაღწიოს მათი დაავადყოფებისა და შრომისუნარის დაკარგვის სისტემატურ შემციირებას;

ვ) მაქსიმალურად გაზარდოს საავადმყოფო საწოლების დატვირთვა, მიაღწიოს თვითეული საწოლის გამოყენებას არანაკლებ 310 დღეს წელიწადში;

ზ) უზრუნველყოს მასიური პროფილაქტიკური (კომპლექსური) გასინჯვის გზით ტუბერკულოზით, ვენერიული სნეულებით და ავთვისებიანი სიმსივნეებით დაავადებულთა დროული გამოვლინება და მათი სათანადო მკურნალობა;

თ) გააუმჯობესოს სამშობიარო სახლებისა და ქალთა კონსულტაციების მუშაობა, გააძლიეროს ორსულ ქალების პატრონაჟი და მიაღწიოს სახლში მშობიარობის შემთხვევების მინიმუმამდე დაყვანას;

ი) განსაკუთრებული ყურადღება მიაქციოს დოკუმენტაციის აღრიცხვისა და ანგარიშგების ხარისხს, სტატისტიკური მონაცემების სისტემატურ ანალიზს და მის გამოყენებას სამკურნალო დაწესებულებების პრაქტიკულ მუშაობაში;

კ) მიიღოს საჭირო ზომები რესპუბლიკის სოფლებში სანიტარული მდგომარეობისა და რაიონული სანიტარიულ-ეპიდემიოლოგიური სადგურების მუშაობის გასაუმჯობესებლად: მოაწყოს ყველა სანიტარიულ-ეპიდემიოლოგიურ სადგურთან სანიტარიულ-ბაქტერიოლოგიური ლაბორატორიები; უზრუნველყოს გამაფრთხილებელი და მიმდინარე სანიტარიული ზედამხედველობა იმ სამუშაოზე, რომელიც ტარდება სოფლის დასახლებული პუნქტების სანიტარიული კეთილმოწყობისათვის და ეპიდემიის საწინააღმდეგო ღონისძიებათა კომპლექსური გეგმების შესასრულებლად.

2. დაევალოთ საქართველოს სსრ ჯანმრთელობის დაცვის და საქალაქო და სასოფლო მშენებლობის სამინისტროებს (ამს. ამხ. მამამთავრიშვილი, ჯაბუა) უზრუნველყონ რაიონული და სასოფლო სავადმყოფოების 1955 წლის მშენებლობის გეგმის აუცილებელი შესრულება.

3. დაევალოს სამხრეთ-ოსეთის ავტონომიური ოლქის მშრომელთა დებუტატების საბჭოს აღმასკომს და საქართველოს სსრ რაიონული საბჭოების აღმასკომებს:

ა) სისტემატური კონტროლი და დახმარება გაუწიონ ჯანმრთელობის დაცვის ადგილობრივ ორგანოებს სოფლის მოსახლეობის სამედიცინო მომსახურებით უზრუნველყოფის საქმეში;

ბ) სერიოზული ყურადღება მიაქციონ რაიონულ და სოფლის საავადმყოფოებში ავადმყოფთა კვების ხარისხის გაუმჯობესებას. მიიღონ საჭირო ზომები მათი კვების აუცილებელი პროდუქტებით, აგრეთვე მაგარი ინვენტარით და ზამთრის პერიოდში საჭირო რაოდენობის შეშით უზრუნველსაყოფად;

გ) გაუწიონ სამკურნალო დაწესებულებებს დახმარება ავადმყოფთა გადაყვანასა და განსაკუთრებულ საჭირო შემთხვევაში ექიმების მისაყვანად ავადმყოფებთან, რისთვისაც გამოიყენონ კოლმეურნეობების, საბჭოთა მეურნეობების, მტს-ების, აგრეთვე სხვა რაიონული ორგანიზაციებისა და საწარმოების ტრანსპორტი;

დ) უზრუნველყონ საკოლმეურნეო აბანოების მშენებლობის გეგმების აუცილებელი შესრულება და მათი ნორმალური მოქაობა; არ დაუშვან საკოლმეურნეო აბანოების შენობათა გამოყენება არადანიშნულებისამებრ;

ე) განსაკუთრებული ყურადღება მიაქციონ სანიტარული მდგომარეობის გაუმჯობესებას რაიონულ ცენტრებსა და დასახლებულ პუნქტებში;

ვ) უზრუნველყონ სასოფლო სამკურნალო დაწესებულებების კაბიტალური რემონტის გეგმის აუცილებელი შესრულება;

ზ) განუხრელად გაატარონ ცხოვრებაში სსრკ მინისტრთა საბჭოს დადგენილება სოფლად მომუშავე ექიმებისათვის სათანადო საბინაო პირობების შექმნის შესახებ;

თ) ახალი რაიონული სავადმყოფოების მშენებლობის დასრულებისას ძველი შენობები დაუტოვონ ჯანმრთელობის დაცვის სამინისტროს ტუბერკულოზური დისპანსერების მოსაწყობად.

4. დაევალოთ საქართველოს სსრ ვაჭრობის სამინისტროს (ამხ. შ. საბანაძე) და ცეკავშირის გამგეობას (ამხ. მ. ნარსია) მიიღონ საჭირო ზომები სასოფლო სამკურნალო დაწესებულებების სისტემატური მომარაგებისათვის საჭირო რაოდენობის და ანორტიმენტის კვების პროდუქტებით.

5. რჩევა მიეცეთ აფხაზეთისა და აჭარის ასსრ უმაღლესი საბჭოების პრეზიდიუმებს შეამოწმონ სოფლის მოსახლეობის სამედიცინო მომსახურების მდგომარეობა აკტონომიურ რესპუბლიკებში და დასახონ საჭირო ღონისძიებები ამ საქმეში არსებული დარღვევების სალიკვიდაციოდ.

6. დაევალოს საქართველოს სსრ ჯანმრთელობის დაცვის სამინისტროს (ამხ. მამათაგარიშვილი) და მშრომელთა დელუტატების რაიონული საბჭოების აღმასკომებს 1956 წლის 1 აპრილისათვის მოახსენონ საქართველოს სსრ უმაღლესი საბჭოს პრეზიდიუმს ამ დადგენილების შესრულების მიმდინარეობის შესახებ.

საქართველოს სსრ უმაღლესი საბჭოს
პრეზიდიუმის თავმჯდომარის მოადგილე — ლ. დავითაძე.

საქართველოს სსრ უმაღლესი საბჭოს
პრეზიდიუმის მდივანი — ხ. როსტიაშვილი.

ქ. თბილისი.
1955 წ. 21 ნოემბერი.

7. სსრ კავშირის უმაღლესი საბჭოს 1953 წლის 8 აგვისტოს კანონის მე-6 მუხლისა და სსრ კავშირის მინისტრთა საბჭოს და საბჭოთა კავშირის კომუნისტური პარტიის ცენტრალური კომიტეტის 1953 წლის 21 სექტემბრის № 2457 დადგენილების მე-3 კარის პირველი პუნქტის შესრულების მიმდინარეობის შესახებ აბაშის, კასპის, მაიაკოვსკის და მცხეთის რაიონებში

მოისმინა და განიხილა რა საქართველოს სსრ უმაღლესი საბჭოს პრეზიდიუმის იურიდიული განყოფილების უფროსის ამხ. ჩიქვანიას მოხსენება აბაშის, კასპის, მაიაკოვსკის და მცხეთის რაიონების კოლმეურნეობებში სსრ კავშირის უმაღლესი საბჭოს 1953 წლის 8 აგვისტოს კანონის მე-6 მუხლისა და სსრ კავშირის მინისტრთა საბჭოს და საბჭოთა კავშირის კომუნისტური პარტიის ცენტრალური კომიტეტის 1953 წლის 21 სექტემბრის № 2457 დადგენილების მე-3 კარის პირველი პუნქტის შესრულების მიმდინარეობის შესახებ, საქართველოს სსრ უმაღლესი საბჭოს პრეზიდიუმი აღნიშნავს, რომ არადაამკმაყოფილებლად სრულდება აღნიშნული კანონის მოთხოვნა სასოფლო-სამეურნეო გადასახადისა და სახელმწიფოსათვის ხორცის სავალდებულო ჩაბარების ნორმების გადიდების შესახებ იმ კოლმეურნეობის წევრთა ოჯახების მიმართ, რომელთა ცალკეულმა შრომისუნარიანმა წევრებმა არასაპატიო მიზეზით არ გამოიმუშავეს 1954 წელს შრომადღებების სავალდებულო მინიმუმი.

კოლმეურნეობათა გამგეობები დროულად არ უდგენენ რაიფინგანებასა და სსრკ დამზადებათა სამინისტროს რაირწმუნებულებს იმ ოჯახების სიას, რომელთა შრომისუნარიან წევრებსაც არ ჰქონდათ გამოიმუშავებული შრომადღებების მინიმუმი. ვარდა ამისა, სიებს სასოფლო-სამეურნეო გადასახადისა და სახელმწიფოსათვის ხორცის სავალდებულო ჩაბარების ნორმების 50 პროცენტით

გადიდების შესახებ კოლმეურნეობის ხელმძღვანელები ადგენენ კოლმეურნეობის წევრთა საერთო კრებაზე წინასწარ განხილვისა და დამტკიცების გარეშე. სიების შედგენის დროს არ არის დაცული კანონით გათვალისწინებული წესები, რის გამო დასაბეგრთა სიაში შეტანილი არიან ინვალიდები, ავადმყოფები, მოხუცები, რომელთაც არ შეეძლოთ გამოემუშავებინათ შრომადღეების დაწესებული მინიმუმი. ასე, მაგალითად, სიაში იქნენ შეტანილი აბაშის რაიონის სოფ. ძევილი აბაშის მალენჯოვის სახ. კოლმეურნეობიდან ავადმყოფი პანტა ქიაია, ამავე რაიონის სოფ. პირველი მისის კოლმეურნეობიდან მოხუცები — აგრაფინა დუნდუა და ლიზა გოგიშვილი, კასპის რაიონის სოფ. ჭემო ხანდაკის კოლმეურნეობიდან პირველი ჯგუფის ინვალიდი — შალვა ვეშაბიძე, მაიაკოვსკის რაიონის სოფ. თბანის კოლმეურნეობიდან: პ. ხაჭიპირაძე, მ. ცირცვაძე და ი. ხაჭიპირაძე, რომელთაც გამოემუშავებული ჰქონდათ შრომადღეების სავალდებულო მინიმუმი. ანალოგიურ შემთხვევებს ადგილი ჰქონდა აგრეთვე ზოგიერთ სხვა კოლმეურნეობაშიც. ამავე დროს რაიონებში წარდგენილ სიებში გამოტოვებული არიან კოლმეურნეობათა ცალკეული შრომისუნარიანი წევრები, რომელთაც დაუთვარობის შედეგად არა აქვთ გამოემუშავებული შრომადღეების სავალდებულო მინიმუმი.

შემოწმებულ რაიონების კოლმეურნეობებში 27.282 საკოლმეურნეო ოჯახიდან აღრიცხულია სულ 21.943 შრომისუნარიანი კოლმეურნე. აქედან შრომადღეების საერთო მინიმუმი არ გამოემუშავა 7.160, დასაბეგრთა სიაში კი შეტანილი იქნა მხოლოდ 2.159 კოლმეურნე.

მცხეთის რაიონის ორჯონიკიძის სახელობის კოლმეურნეობის გამგეობამ 57 კაციდან, რომელთაც გამოემუშავებული არ ჰქონდათ შრომადღეების მინიმუმი, სიაში შეიტანა 3, ამავე რაიონის სოფ. პანტიანის გორის სახ. კოლმეურნეობის გამგეობას 101 კაციდან არც ერთი არ შეუტანია სიაში. კასპის რაიონის სოფ. ივთეთის ენაგოსის სახ. კოლმეურნეობის გამგეობამ 142 კოლმეურნიდან მხოლოდ 5 შეიტანა სიაში.

იმის გამო, რომ არ ხდება კოლმეურნეობათა შრომისუნარიანი წევრების ზოსტი აღრიცხვა და სუსტად არის დაყენებული კოლმეურნეობებში შრომის დისციპლინის საქმე, არც ერთი შემოწმებული რაიონის კოლმეურნეობებში არ არის შესრულებული შრომადღეების გამოემუშავების გეგმა.

აღნიშნული დარღვევები მოწმობენ იმას, რომ მშრომელთა დებუტატების რაისაბჭოს აღმასკომები, მტს-ები და კოლმეურნეობათა გამგეობები ჯეროვან ყურადღებას არ აქცევენ კოლმეურნეობებში პარტიისა და მთავრობის დადგენილებების ზუსტად გატარებას და არ ღებულობენ საჭირო ზომებს, რომ კოლმეურნეობის თვითეულმა შრომისუნარიანმა წევრმა გამოემუშავოს შრომადღეების დაწესებული მინიმუმი.

საქართველოს სსრ უმაღლესი საბჭოს პრეზიდიუმი ა დ გ ე ნ ს:

1. დაევალოთ აბაშის, მაიაკოვსკის, მცხეთისა და კასპის რაიონების მშრომელთა დებუტატების საბჭოების აღმასკომებს:

ა) უახლოეს დროში ყველა კოლმეურნეობაში შეამოწმონ როგორ მიმდინარეობს სასოფლო-სამეურნეო გადასახადის კანონის მე-6 მუხლის და სსრ კავშირის მინისტრთა საბჭოს და საბჭოთა კავშირის კომუნისტური პარტიის ცენტრალური კომიტეტის 1953 წლის 21 სექტემბრის № 2457 დადგენილების მე-3 კარის პირველი პუნქტის შესრულება, საკითხი განიხილონ რაილმასკომის სხდო-

მაზე და დასახონ ღონისძიებანი გამოვლინებულ ნაკლოვანებათა აღმო-
საფხვრელად;

ბ) პერიოდულად შეამოწმონ და დააწესონ მტკიცე კონტროლი, რომ სწო-
რად იქნეს შედგენილი იმ მეურნეობათა სიები, რომელთა წევრებმაც არასა-
პატიო მიზეზით არ გამოიმუშავეს შრომადღებების დაწესებული მინიმუმი და
უზრუნველყონ ამ სიების განხილვა-დამტკიცება კოლმეურნეთა საერთო კრე-
ბაზე;

დამტკიცებული სიები წარუდგინონ დამზადებათა და რაიფინგანის ორგა-
ნოებს არაუგვიანეს 15 იანვრისა კოლმეურნეობის თავმჯდომარის, სარევიზიო
კომისიის თავმჯდომარის, მონაგარიშის ან ბუხჰალტრის ხელმოწერით;

გ) გადასინჯონ დამზადებათა სამინისტროს და საფინანსო ორგანოებში
წარდგენილი სიები და დაუყოვნებლივ გაანთავისუფლონ დამატებით გადასახა-
დისაგან ის მეურნეობები, რომელთაც არასწორად შეუფარდეს სასოფლო-
სამეურნეო გადასახადისა და სახელმწიფოსათვის ხორცის სავალდებულო ჩაბა-
რების გადაღება, ამასთანავე 50 პროცენტით გაუდიდონ გადასახადი იმ მეურ-
ნეობებს, რომელთა ოჯახის ცალკეულმა შრომისუნარიანმა წევრებმა არასაპა-
ტიო მიზეზით არ გამოიმუშავეს შრომადღებების დაწესებული მინიმუმი;

დ) მიიღწიონ იმას, რომ ახსნა-განმარტებისა და კანონის ზუსტად გატარე-
ბის საფუძველზე განამტკიცონ კოლმეურნეობებში შრომის დისციპლინა, რათა
ყველა შრომისუნარიანი კოლმეურნე აქტიურად მონაწილეობდეს საკოლმეურ-
ნეო შრომაში და აუცილებლად ასრულებდეს შრომადღებების დაწესებულ
მინიმუმს.

2. დაევალოს საქართველოს სსრ სოფლის მეურნეობის სამინისტროს (ამხ.
ქერქაძე) საქართველოს სსრ ფინანსთა სამინისტროს (ამხ. ჩხეიძე) და სსრ კავ-
შირის დამზადებათა სამინისტროს რწმუნებულს საქართველოს სსრ-ში (ამხ.
კავლაძე) პერიოდულად შეამოწმონ ამ დადგენილებების პირველ მუხლში აღნი-
შნული კანონის შესრულების მიმდინარეობა და მიიღონ ზომები გამოვლინე-
ბულ ნაკლოვანებათა აღმოფხვრისათვის.

3. რჩევა მიეცეთ აფხაზეთის და აჭარის ასრ უმაღლესი საბჭოების პრე-
ზიდიუმებს და სამხრეთ ოსეთის ავტონომიური ოლქის აღმასკომს შეამოწმონ
როგორ ტარდება ცალკეული რაიონების კოლმეურნეობებში სასოფლო-სამე-
ურნეო გადასახადის კანონის მე-6 მუხლი და დასახონ საჭირო ღონისძიებანი
გამოვლინებულ ნაკლოვანებათა აღმოსაფხვრელად.

4. დაევალოს აბაშის, მიაკოვსკის, კასპისა და მცხეთის რაიონების მშრო-
მელთა დეპუტატების საბჭოების აღმასკომებს წარმოუდგინონ საქართველოს
სსრ უმაღლესი საბჭოს პრეზიდიუმს ანგარიში ამ დადგენილებების შესრულების
შესახებ 1955 წლის 31 დეკემბრისათვის.

საქართველოს სსრ უმაღლესი საბჭოს
პრეზიდიუმის თავმჯდომარის მოადგილე — ლ. დავითაძე.

საქართველოს სსრ უმაღლესი საბჭოს
პრეზიდიუმის მდივანი — ს. როსტიაშვილი.



8. „მშრომელთა საჩივრებისა და განცხადებების განხილვის საქმეში არსებულ სერიოზულ ნაკლოვანებათა შესახებ“ საქართველოს სსრ უმაღლესი საბჭოს პრეზიდიუმის 1955 წლის 27 ივნისის დადგენილების არაღამაქაყოფილებლად შესრულების თაობაზე

მოისმინა და განიხილა რა საქართველოს სსრ სახელმწიფო კონტროლის მინისტრის მოადგილის ამხ. ბ. ვ. აკიმენკოს მოხსენება საქართველოს სსრ უმაღლესი საბჭოს პრეზიდიუმის 1955 წლის 27 ივნისის დადგენილების — „მშრომელთა საჩივრებისა და განცხადებების განხილვის საქმეში არსებულ სერიოზულ ნაკლოვანებათა შესახებ“ — შესრულების შემოწმების შედეგებზე, საქართველოს სსრ უმაღლესი საბჭოს პრეზიდიუმში აღნიშნავს, რომ სამხრეთ ოსეთის ავტონომიური ოლქის აღმასკომი, სტალინირის, ზნაურის, თელავის, სიღნაღის, გურჯაანის, სანტრედიის, წყალტუბოსა და მცხეთის მშრომელთა დეპუტატების რაისაბჭოების აღმასკომები არაღამაქაყოფილებლად ასრულებენ აღნიშნულ დადგენილებას და რიგ შემთხვევაში, ნაცვლად იმისა, რომ აღმოფხვრან მშრომელთა საჩივრებისა და განცხადებების განხილვაში არსებული სერიოზული ნაკლოვანებანი, კვლავაც უშვებენ უხეშ დარღვევებს ამ საქმეში.

თელავის რაილმასკომში 1955 წლის მაისიდან 20 სექტემბრამდე შესულ 374 საჩივრიდან და განცხადებიდან დაწესებული ვადების დარღვევით განხილულ იქნა 58, ანუ 15,5%, ხოლო წყალტუბოს რაილმასკომში (თავჯდომარე გ. ვ. გაგოშიძე) მიმდინარე წლის 6 ოქტომბრისათვის — 144-დან — 21, ანუ 14,6%.

მშრომელთა საჩივრებისა და განცხადებების განხილვის ვადების დარღვევას ადგილი ჰქონდა სამხრეთ ოსეთის ა/ო აღმასკომში, აგრეთვე გურჯაანის, მცხეთის, სიღნაღის, სტალინირის, ზნაურისა და სამტრედიის რაილმასკომებში, აფხაზეთის ასსრ განათლების სამინისტროსა და სახალხო განათლების ცალკეულ ადგილობრივ ორგანოებში.

სამხრეთ ოსეთის ა/ო აღმასკომსა და ზოგიერთ შემოწმებულ აღმასკომში ჯერ კიდევ უიანურობა ცალკეული საჩივრებისა და განცხადებების განხილვა, რის გამოც მშრომლები თავის დროზე ვერ ღებულობენ პასუხს და იძულებული ხდებიან თავიანთი კანონიერი მოთხოვნის გადსაწყვეტად მიმართონ ზემდგომ ორგანოებს.

აღრიცხვის მოუწესრიგებლობის, აგრეთვე იმის გამო, რომ არ არსებობს კონტროლი საჩივრებისა და განცხადებების მსვლელობაზე, სტალინირისა და გურჯაანის რაილმასკომებში დაიკარგა თითო განცხადება, ხოლო თელავის რაილმასკომში არ იცოდნენ იმ 114 საჩივრის და განცხადების განხილვის შედეგები, რომელნიც მან 1955 წელს გადაუგზავნა განსახილველად დაქვემდებარებულ დაწესებულებებსა და ორგანიზაციებს, მათ შორის 60 განცხადება გადაგზავნილი იყო ჯერ კიდევ მიმდინარე წლის პირველ კვარტალში.

მშრომელთა საჩივრებისა და განცხადებების განხილვის საქმის გაუმჯობესებისა და აღნიშნულ სერიოზულ ნაკლოვანებათა აღმოფხვრის მიზნით, საქართველოს სსრ უმაღლესი საბჭოს პრეზიდიუმში ა დ გ ე ნ ს:

1. დაევალოს სამხრეთ ოსეთის ავტონომიური ოლქის აღმასკომის, მშრომელთა დეპუტატების საქალაქო და რაიონულ საბჭოების აღმასკომების თავმჯდომარეებს, აგრეთვე საქართველოს სსრ სამინისტროებისა და უწყებების



ხელმძღვანელებს უახლოეს დროში შეამოწმონ მშრომელთა საჩივრებისა და განცხადებების განხილვის მდგომარეობა და უზრუნველყონ „მშრომელთა საჩივრებისა და განცხადებების განხილვის საქმეში არსებულ სერიოზულ ნაკლოვანებათა შესახებ“ საქართველოს სსრ უმაღლესი საბჭოს პრეზიდიუმის 1955 წლის 27 ივნისის დადგენილების აუცილებელი განხორციელება.

2. გაფრთხილება მიეცეს სამხრეთ ოსეთის ავტონომიური ოლქის აღმასკომის, სტალინირის, ზნაურის, თელავის, წყალტუბოს, გურჯაანის, სიღნაღისა და მცხეთის მშრომელთა დეპუტატების რაიონული საბჭოების აღმასკომების თავმჯდომარეებს, რომ თუ ისინი გადაჭრით არ გააუმჯობესებენ და არ აღმოეხვრიან მშრომელთა განცხადებების და საჩივრების განხილვის საქმეში არსებულ სერიოზულ ნაკლოვანებებს, დაისმება საკითხი მათი სასტიკად დასჯის შესახებ.

3. ერჩიით აფხაზეთისა და აჭარის ასსრ უმაღლესი საბჭოების პრეზიდიუმებს შეამოწმონ ავტონომიურ რესპუბლიკების დაწესებულებებსა და ორგანიზაციებში მშრომელთა საჩივრებისა და განცხადებების განხილვის მდგომარეობა და დასახონ ღონისძიებები გამოვლინებულ ნაკლოვანებათა აღმოსაფხვრელად.

საქართველოს სსრ უმაღლესი საბჭოს
პრეზიდიუმის თავმჯდომარის მოადგილე — ლ. დავითაძე.

საქართველოს სსრ უმაღლესი საბჭოს
პრეზიდიუმის მდივანი — ს. როსტიაშვილი.

ქ. თბილისი.
1955 წ. 21 ნოემბერი.

9. ბრძანებულება საქართველოს სსრ სამოქალაქო სამართლის საპროცესო კოდექსის მე-26 მუხლში დამატების შეტანის შესახებ

სსრ კავშირის უმაღლესი საბჭოს პრეზიდიუმის 1955 წლის 14 მარტის ბრძანებულების შესაბამისად „სახალხო სასამართლოების დაქვემდებარებიდან ისეთი საქმეების ამოღების შესახებ, რომლებიც აღიძვრის სახელმწიფო, კოლპერაციულ (გარდა კოლმეურნეობებისა) და სხვა საზოგადოებრივ ორგანიზაციებს შორის დავათა გამო ათან მანეთამდე თანხის თაობაზე“ საქართველოს სსრ უმაღლესი საბჭოს პრეზიდიუმი ა დ გ ე ნ ს:

დამატოს საქართველოს სსრ სამოქალაქო სამართლის საპროცესო კოდექსის 26 მუხლს შენიშვნა შემდეგი შინაარსისა: „შენიშვნა: საქმეები სახელმწიფო, კოლპერაციულ (გარდა კოლმეურნეობებისა) და სხვა საზოგადოებრივ ორგანიზაციებს შორის დავათა გამო ათან მანეთამდე თანხის თაობაზე, სასამართლოებს საწარმოებლად არ ექვემდებარება.

აღნიშნულ დავებს გადაწყვეტენ მოვალის მიმართ ზემდგომი ორგანოები“.

საქართველოს სსრ უმაღლესი საბჭოს
პრეზიდიუმის თავმჯდომარის მოადგილე — ლ. დავითაძე.

საქართველოს სსრ უმაღლესი საბჭოს
პრეზიდიუმის მდივანი — ს. როსტიაშვილი.

ქ. თბილისი.
1955 წ. 21 ნოემბერი.

10. ბრძანებულება თბილისის სომხური დრამის სახელმწიფო თეატრისათვის
ს. გ. შაუმიანის სახელის მიკუთვნების შესახებ

დაკმაყოფილდეს თბილისის სომხური დრამის სახელმწიფო თეატრის კო-
ლექტივის თხოვნა თბილისის სომხური დრამის სახელმწიფო თეატრისათვის
ს. გ. შაუმიანის სახელის მიკუთვნების შესახებ და სომხური დრამის თეატრს
ამიერიდან ეწოდოს „თბილისის ს. გ. შაუმიანის სახელობის სომხური დრამის
სახელმწიფო თეატრი“.

საქართველოს სსრ უმაღლესი საბჭოს
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს
პრეზიდიუმის მდივანი — ს. როსტიაშვილი.

ქ. თბილისი.
1955 წ. 6 დეკემბერი.